

宋元學案補遺

四明張氏約園開雕

叢書集成續編 第二五一冊目錄

史地類



理學家總傳

宋元學案補遺一百卷序錄一卷首一卷別附三卷(五)

清 王梓材
馮雲濠 輯

四 明

一

卷七十八	一	卷八十九	四二九
卷七十九	二五	卷九十	四五六
卷八十	五八	卷九十一	五三一
卷八十一	九十	卷九十二	五五四
卷八十二	一二五	卷九十三	六一三
卷八十三	二八七	卷九十四	六二五
卷八十四	三一	卷九十五	六三〇
卷八十五	三二〇	卷九十六	六四二
卷八十六	三六〇	卷九十七	六七二
卷八十七	三九四	卷九十八	六八五
卷八十八	四〇二		

宋元學案補遺卷七十八

後學 鄧王梓材同輯
慈谿馮雲龍

張祝諸儒學案補遺

百源續傳

補郎中張觀物先生行成

張文饒語

蓋天之法如繪像止得其半渾天之法如塑像能得其全堯之曆象蓋天法也舜之璿璣玉衡渾天法也渾法密于蓋天創意者尙略述作者愈詳也

宋元學案補遺 卷七十八

四明叢書
約園刊本

夫天下之象生于數而數生于理未形之初因理而有數因數而有象既形之後因象以推數因數以推理論理而遺數譬如作樂而棄音律造器而舍規矩雖師曠之聰工倕之巧安能無失哉 元包數總義序

附錄

魏鶴山曰近世朱子發張文饒精通邵學而皆以九爲圖十爲書朱以列子爲證張以邵子爲主予嘗以乾鑿度及張平子傳所載太一下行九宮法考之卽所謂戴九履一者則是圖相傳蓋已久安知非河圖也

梓材謹案方桐江跋鶴山周易集義云臨邱張行成文靖公鄉人爲邵易生解通變經世觀物等書世稱七易疑文公未之見別爲一支以備旁考又案王履序王巽卿大易緝說云嘗觀魏鶴山答蔣得之書及史學齋臨汝講義皆祖張觀物語以九其圖者見後天八卦之象十其書者具洪範五行之數謂晦庵不及見是書故謂十圖而九書余雖不敢以其說爲然然亦無以正其說之不然

樓攻媿跋張德深辨虛曰檢詳新安張公云潛虛之言未成而已傳溫公晚始以全書授范太史淳夫遂傳于蜀後以問蜀士曰非也觀物先生張兵部所補託爲此言耳觀物窮象數之學著述衍翼玄元包總義潛虛演義經世索隱外篇衍義通變等七書近百卷世號精博嘗取演義讀之爲卷十六潛虛之書章分句析尤爲詳盡果如蜀士之言非此人不能補此書

宋元學案補遺 卷七十八

四明叢書
約園刊本

丁易東曰張文饒述衍以序卦乾變坤坤變屯屯變蒙以至離變成未濟復變爲乾之類必老少陰陽之策各九十六又以雜卦乾變坤坤變比比變師以至歸妹變未濟未濟變夬夬復變乾亦老少陰陽之策各九十六其數同

補 尚書王醒庵先生卿月

附錄

未冠而失怙恃困窮自守必欲以學奮身

擢用爲文字官制詞溫厚真若素宦嘗草胡澹庵詞云
吾寧身蹈東海獨仲連不欲帝秦至今名重泰山微相
如何以強趙人多稱之

縣簿郭先生緒

郭緒字天錫蒲城人幼而岐嶷讀書如素習晚調上杭
簿留意邵子象數之學兼取揚雄所據列山易以章會
統元推之久而成書名易春秋按圖布卦計二十萬言
釐爲二十卷總之以圖隆興紀元以其書上方議推恩

全軍案補遺 卷十八

三四明藏書
約圖刊本

而卒 姓譜

隱君柳先生申錫

柳申錫字彥養潼川人著有先天太極諸書自一歲一
月一日一身皆有圖說至于九疇會極中央立極中星
合極復分畫而附益之又作三易圖說十卷以探義文
孔氏之祕而上下經六十四卦卦爲一圖以釋其義度
周卿銘其墓而魏鶴山爲書其碑陰云彥養身既隱矣
明旣喪矣非以釣名干澤也自陰陽五行星曆氣候反
覆參驗以求諸心凡以自明爾矣

魏鶴山集

湯先生邦彥

湯邦彥

其濠謹案揚誠齋淳熙薦士錄有先生云學達
于易得先天之數才濟于用得經世之心云

長氏門人

補太府呂先生凝之

附錄

樓攻媿祭之曰康節之學茫昧莫測君得其傳若數白
黑往古來今可驗可索上意響合動容歎息曰卿毋行
其在予側

全軍案補遺 卷十八

四四明藏書
約圖刊本

郡守何先生耕 附師史彬任

何耕字通夫世居漢州之綿竹父革爲同郡德陽史彬
壻彬教授弟子以百數號絕學先生兩家旣同婚姻何
氏亦占籍德陽先生甫勝衣從外祖學詞賦警敏異羣
兒更授尙書彈思精義東西川名士張行成任繼繼爲
郡博士皆奇之方弱冠類試奏名第一教授成都先生
天寶高明積學勤習士聞風而至移轉運司幹辦公事
汪尙書應辰以文章典雅科薦之通判成都府累徙祕
書監知潼川府請祠卒年五十有七有文集百卷

周益公集

邵學之餘

補提幹祝子涇先生泌

梓材謹案德興縣志云祝子涇著有觀物解六王
大占祝氏秘鈴蓋先生為廖氏之徒謝山序錄既
舉先生復別舉廖氏似未審其人之傳授先後

附錄

吳草廬答鄧以修書曰邵子著書本祖于易直可上接
伏羲文王周公孔子之傳而非管輅郭璞袁天綱李淳
風輩小小術數者之比也祝氏乃一風角烏占壬課遁
甲之流起卦推占小事不無小驗其視管郭袁李當如

宋學案補遺 卷七十八

五四明叢書
約園刊本

九地之視九天而于邵子又何知焉

謝山鮎埼亭詩集老友董映泉挽詩其三曰老去精
思審六書直探皇極銳何如而今撒手行空去脈望
翩然返太虛原注云君老而好學欲從予講求祝氏
皇極數學因探聲韻諸圖之蘊子遂巡未果而君逝
矣

補巡檢朱水簫先生元昇

梓材謹案平陽縣志載先生為陳止齋門人黼之
從子嘉定武進士棄官不仕入南蕩山舊曰貫三
才之道者莫大于易研精三十年沛
然有得乃著三易備遺十卷行于世

三易備遺自序

周禮春官掌三易一曰連山二曰歸藏三曰周易連山
作于伏羲用于夏歸藏作于黃帝用于商周易作于文
王用于周一代之興必有一代之易雖不相沿襲而實
相貫通連山首艮歸藏首坤周易首乾其經卦皆八其
別皆六十有四其數聖人者豈各出意見以為斯易哉
龍馬之所呈神龜之所授是皆得之天者也周公相成
王設官分職命太卜命筮人並掌三易不以周用周易
而置連山歸藏于無用是天固將以斯易託斯人也周

宋學案補遺 卷七十八

六四明叢書
約園刊本

轍既東周禮廢闕天之未喪斯文也復生孔子為天下
木鐸黜八索闢十翼章編三絕而周易繫矣之杞而得
夏時焉之宋而得坤乾焉故天下後世有亡書無亡言
而連山歸藏易傳矣是天又將以斯易託斯人也孔子
既沒經秦歷漢連山歸藏寂然無聞惟周易孤行于世
漢儒用心徒勤著眼未及或破碎一卦以直六日七分
或牽強四卦以管一至二分或雜之以讖緯之文或引
之以老莊之境如盲摸象如管窺天萬端臆說千差並
起是何易道之不幸也天開我宋五星奎聚兩曜合璧

異人閒出希夷陳搏以先天一圖傳種放放傳穆修修傳李之才之才傳邵子康節康節以超詣絕塵之姿加以融會貫通之學著皇極經世書包羅萬象該括三易本領正大規模宏遠是天又將以斯易託斯人也嗚呼易固墜也天固與之易固晦也天固彰之天之心欲以斯易移斯世也昭昭矣元昇結髮讀書冥心易學慨皇王之道泯泯沒沒其不絕者若一縑之繫千鈞也元昇上無位下無應徒以疏賤抱此勤志根極理要鋪陳規範倚揭淪墜顯發幽渺尙擬補皇王之絕學于千百世

朱學案補遺 卷七十八 四明叢書 約圖刊本

之上存皇王之良法于千百世之下輒不自揆本諸河圖洛書述三易備遺因世次而冠以先天中天後天之名庶幾連山歸藏得與周易並顯于世後之人或因此知邵子之心則知孔子周公之心與文王黃帝伏羲之心知孔子周公與文王黃帝伏羲之心則知天之心

附錄

嘗于其鄉築堰備水鄉人德之名朱公堰

家則堂進三易備遺狀曰竊見承節郎朱元昇苦心舊學篤志遺經獨揀象數之傳自悟羲黃之蘊著中天歸

藏書數萬言爲圖數十以述其所自得之學其謂說伏羲易先天學也黃帝易中天學也乾南坤北離東坎西震艮巽兌翼于四隅而爲八卦入其入而爲六十四卦者先天易也十月十二子納而爲六十甲者中天易也中天自先天來者也其名雖異其理則一于是以中天六十甲配先天六十四卦而六十甲之序與先天六十四卦之序自然昭合不爽鎔銖以是知黃帝作六十甲所以發先天六十四卦不盡之義載陰陽五行之功周被之天下萬世者中天歸藏易也孔子于商道而取坤

朱學案補遺 卷七十八 四明叢書 約圖刊本

乾所取者商之歸藏而中天之易于是乎在易易名歸藏而黃帝亦以歸藏爲氏商易用歸藏而商之諸君皆以甲丙辛壬爲號以見歸藏之書作于黃帝而六十甲與先天六十四卦並行者乃中天歸藏易也歸藏易自漢初已亡元昇述其意而爲此書以自然之數納自然之音符自然之象縱施橫投無一不合皆元昇所自悟者也

雲濤謹案四庫書目善錄三易備遺十卷提要云其書本河圖洛書一卷連山三卷歸藏三卷周易三卷又云元昇學本邵子其言河圖洛書則祖劉牧其言連山以卦位配夏時之氣候其言歸藏以

Y. C. H. 2786. 10117

干支之納音配卦爻其言周易則闢反對互體之旨雖未必真合周官太卜之舊而冥心求索以求一合亦可謂好學深思者過而存之或亦足備說易者之參考耳

楊先生忱中

楊忱中字德夫義烏人擢國子監丞累遷朝議大夫知蘄州著易原三卷其言欲觀八卦生而為六十四卦請玩先天圖欲觀八卦重而為六十四卦則繫辭說卦之所言亦不可以無攷康節之極數知來其妙在于加一倍法而重卦之本旨則恐不專在是自為一義可也其不苟同如此 金華府志

宋元學案補遺 卷七十八 九四明叢書 約園刊本

邵學別派

補杜道士可大

梓材謹案東維子集送齊易巖序易巖之言曰初庵之傳得之建昌廖學海學海得之于蜀杜可大可大得之于王天悅天悅實受之邵子也

知州張先生大訓

張大訓字學古番禺人三歲而孤以父遺澤補初品官歷知辰州請祠主管華州雲臺觀藏書數萬卷博物而強志每以星曆推人吉凶能前知國家休戚謂京蜀得禍必慘後皆中其說率以太一為主嘗謂知易之妙惟

邵子觀于皇極經世書實與太一數相通知乎此則晦明風雨之變水旱盜賊之備皆可以豫定魏鶴山嘗與先生遇于行都太史奏五福太一將臨吳分正韓侂胄開邊之時鶴山詰之曰如子之說福星所臨能保數十年之安乎先生愀然曰此當推陽九百六之數因自羿

浞至五代歷陳福星之不應者又推本朝以來福星所歷之分奚福奚禍作而曰法固謂有道者昌無道者亡不可以諉諸數也鶴山謂人曰是非星翁曆家之說也徐叩其所自得則于邵子先天之說以及參同運氣皆

宋元學案補遺 卷七十八 十四明叢書 約園刊本

能旁通而無滯云 魏鶴山集

程玉塘先生新恩

程新恩號玉塘寧國人有爻象承乘之圖以乾位乎正南以坤位乎正北而包六子其內自坤而東轉一陽為復二陽為臨至三陽為泰則位正東大壯之四陽夫之五陽又自東而南極于乾焉而西轉一陰為姤二陰為遯至三陰為否則位正西觀之四陰剝之五陰又自西而北極于坤焉坤再為復生生無窮伏羲先天之體遂有合于文王後天之用黃東發序之曰玉塘得無以朱

子之學善學邵子不泥其論月氣之說則亦不泥其方

圓之圖耶黃東發集

張視同調

丞相馬玩芳先生廷鸞別見介軒學案補遺

布衣蔡先生仁

蔡仁字和仲饒州人布衣著有皇極經世衍數一百五十四卷前集五十五卷因張行成祝涇甫之書復考訂以成帙編卦各有圖圖各有說後集五十三卷因蔡季通續正邵氏曆數衍其數紬發其義條陳其類例凡古

宋學案補遺 卷七十八

十二四明叢書 約圖刊本

今證應皆備載焉內闕十五卷至十八卷別集十五卷續集十六卷皆卦變爻象及揲著之說支集十五卷又因麻衣道人心法而衍之皆占卜書也張氏內閣書目

楊氏門人

郡學董先生必大

董必大武義人受業于楊忱中登嘉定丁丑進士授竹山令有惠政陞安定知府開慶己未裔寇圍城先生歎曰死生有命忠孝豈能兩全督兵出戰而死許道復哭以詩曰百戰孤城身死義忠魂凜凜在人間金華敬獻

杜氏所傳

蕭家俱律先生應淮

梓林謹案先生所著象滋說會補宋相溪序俱律生贊作象論統會聲譜

附錄

去隱宣歙間遇余安裕弋陽將教之安裕勸先生業中庸先生瞠目厲聲曰俗儒惑辱吾康節于地下矣

復之臨安市大衍數夜沽酒痛飲大叫曰天非宋天地

非宋地矣歌曰禽聲兮啾啾草色兮幽幽風燭燭兮火

怒泉殷殷兮血流屋將焚兮燕呢喃而未已鼎漸沸兮

宋學案補遺 卷七十八

十二四明叢書 約圖刊本

蝨婆娑其不休歸去來兮不歸兮焉求

都人士聞之競指以爲怪民不與接獨太學生熊希聖

時造其廬先生私執熊手謂曰吾端居曾樓閣空中或

馬百萬來人鬼作哭泣聲壬申襄樊陷甲戌官軍宴駕

乙亥長江飛渡似道亦死臨漳丙子三宮播遷諸王

大臣皆南北亂走噓吸事耳子不去欲何爲居亡何宋

事日非沿江州郡望風奔潰先生大慟曰殺氣又入閩

廣中吾不知死所矣遂遁去其言無一不驗後四年病

死處州學中

先生宗堯夫先天之學自謂知易及論後天則尊義畫
為經彖爻繫辭為傳黜文言彖象二傳為九師之言且
謂說卦非聖筆不能作上下繫乃門人所述序卦直漢
儒記爾

雲濠謹案東維子送齊易嚴序言廖學海國初有
聞于世皇世皇將召之學海業已語其女曰我若
干日死若若日朝廷命來我已死且索我書我
書當傳者傅氏立名人也其人在某所某自來異
日官極品汝賴之官且賜田若干頃矣已而果然
梓材謹案王忠文集齊琦傳言先生在宋季言國
家運祚禍福如指掌又言吳曦叛于蜀盜發王天
悅家出其所著書道士杜可久得之以授先生著
有玄玄集書前妙用等書數十萬言悉以授傅立
而齊琦得之據此則傅初庵親受于廖氏非由彭

宋元學案補遺 卷七十八

十三 四明叢書
約圖刊本

復之

邵學績傳

山長堯觀物先生允恭

堯允恭字克遜海陵人景定咸淳兩領鄉薦宋亡專意
經傳遂于易深得性命之理江浙行省兩檄充濂溪東
川書院山長先生皆不赴安貧樂善學者多從遊自號
觀物老人有詩文二十卷 姓譜

進士齊節初先生夢龍 別見介軒學案補遺

翰林麻先生九疇 附門人王說王采苓

麻九疇字知幾易州人三歲識字七歲能草書作大字
有及數尺者一時目為神童金章宗召見問汝入宮殿
中亦懼怯否對曰君臣父子也子寧懼父耶上大奇之
弱冠入太學有文名南渡後寓居鄞蔡開入遂平西山
始以古學自力博通五經于易春秋為尤長與定未試
開封府詞賦第二經義第一再試南省復然及廷試以
誤黜士論惜之已而隱居不為科舉計正大初門人王
說王采苓俱中第上以其年幼怪而問之及知嘗師先
生特賜進士第以病未拜官告歸再授太常寺太祝權

宋元學案補遺 卷七十八

十四 四明叢書
約圖刊本

博士俄遷應奉翰林文字先生性資野逸高寒自便度
不能與世合復謝病去居鄞城天興元年元兵入河南
挈家走確山為兵士所得驅至廣平病卒年五十先生
初因經義學易後喜邵堯夫皇極書因學算數又喜卜
筮射覆之術晚更喜醫與名醫張子和游盡傳其學者
舊趙秉文以徵君目之而不名 金史

附錄

元遺山中州集曰知幾少時有惡疾就道士學服氣數
年疾遂平又從宛邱張子和學醫子和以為能得其不

傳之妙大率知幾于學也專故所得者深飢寒勞苦人所不能堪者處之怡然不以累其業也

趙澄水送麻徵君引曰君以文學行義名天下天下之人戶知之固不待予言而顯正大中天子聞其名而召之幡然而來君子以爲知義悠然而辭君子以爲知命退將窮先天之學以極消息盈虛之理是可量也哉

文正劉先生秉忠

劉秉忠字仲晦初名侃因從釋氏又名子聰拜官後始更名邢州人先生八歲入學口誦數百言年十三爲質

宋寧案補遺

卷七十八

十五

四明叢書

約圖刊本

子于帥府十七爲邢臺節度使府令吏以養其親居常鬱鬱不樂一日投筆歎曰丈夫不遇于世當隱居以求志耳卽棄去隱武安山中久之天寧虛照禪師遣徒招致爲僧後遊雲中留居南堂寺世祖在潛邸海雲禪師被召過雲中聞其博學多材藝邀與俱行旣入見應對稱旨屢承顧問先生于書無所不讀尤邃于易及邵氏經世書至于天文地理律曆三式六壬遁甲之屬無不精通論天下事如指諸掌世祖大愛之海雲南還先生遂留潛邸後數歲奔父喪賜金百兩爲葬具仍遣使送

至邢州服除復被召奉旨還和林上書數千百言世祖嘉納焉癸丑從征大理明年征雲南每贊以天地之好生王者之神武不殺故克城之日不妄戮一人己未從伐宋復以雲南所言力贊于上所至全活不可勝計中統元年世祖卽位問以治天下之大經養民之良法先生采祖宗舊典參以古制之宜于今者條列以聞先生雖居左右而猶不改舊服時人稱之爲聰書記至元年翰林學士承旨王鶚奏言秉忠久侍藩邸積有歲年參帷幄之密謀定社稷之大計忠勤勞績宜破崇聖

宋寧案補遺

卷七十八

十六

四明叢書

約圖刊本

明御極萬物惟新而秉忠猶仍其野服散號深所未安宜正其衣冠崇以顯秩帝覽奏卽日拜光祿大夫位太保參預中書省事詔以翰林侍讀學士寶默之女妻之賜第奉先坊且以少府官籍監戶給之先生旣受命以天下爲己任事無巨細凡有關於國家大體者知無不言言無不聽十一年扈從至上都其地有南屏山嘗築精舍居之秋八月先生無疾端坐而卒年五十九還葬大都十二年贈太傅封趙國公諡文貞成宗時贈太師諡文正仁宗時又追封常山王先生自號藏春散人有

文集十卷 元史

藏春集

人常與易不相離着意求言轉見疑動靜既萌交象具此情明得是著龜 讀易

收心學道造精微着意工夫已是遲算過誰如蘧伯玉

回頭四十九年非 學道

人之有善與誰行不善休忘教誨情責備百中無一二聰明都是不聰明 偶得

附錄

空學案補遺 卷七十八

十四明徵書 約圖刊本

聞靜軒序藏春集曰太傅文貞公學參天人思周通變早慕空寂脫棄世務一旦遭際聖主運應風雲契同魚水有若留侯規畫以興漢室召公相宅以營都邑叔孫奉常綿繆以定朝儀陸賈詩書之語賈生仁義之說當雲霧草昧之世天開地闢贊成文明之治其謚曰文不亦宜乎

忠宣張先生文謙 詳見魯齋學案

樞密張先生易

張易字□□□□人官樞密初劉秉忠以大明曆自遼

金承用二百餘年浸以後天議欲修正而卒江左既平世祖思用其言遂以郭守敬與王恂率南北日官分掌測驗推步于上而命張文謙與先生爲之主領裁奏于下左丞許衡參預其事 元史

文獻杜先生瑛

杜瑛字文玉霸州信安人也金之季年避地河南居緱氏山讀書講學博覽無所不見金亡轉居汾晉之間授徒爲業中書粘合珪開府彰德以書幣迎之至則待以賓禮而師問焉先生從容爲中書言兵荒之餘生民窮

空學案補遺 卷七十八

十四明徵書 約圖刊本

困日甚宜緩刑薄賦以遂民生修學養士以興治化中書從其言民獲陰受其賜士子受業者恆以百數歲己未世祖奉命南伐過彰德召先生入見問以取宋之策對曰惟不嗜殺人然後能一天下世祖卽位召之使者至彰德先生聞王文統已居相位專言功利以固權寵輒引退不見杜氏謝客以修學者爲事所著多明經術之意有春秋地理原委十卷語孟旁通八卷皇極引用八卷皇極疑事四卷樞密十卷律曆禮樂雜說三十卷文集十卷先生既居彰德因留家焉初中書憐其貧

與田千畝不受年七十卒將卒命諸子曰我死棺中第
置杜甫詩集一編題其誌石曰處士杜嶽山墓天曆二
年贈翰林學士追封魏國公諡文獻 蘇滋溪集

附錄

世祖南伐至桐召見問計先生從容對曰漢唐以還人
君所恃以爲國者法與兵食三事而已國無法不立人
無食不生亂無兵不守今宋皆蔑之殆將亡矣興之在
聖主若控襄樊之師委戈下流以搗其背大業可定矣
帝悅曰儒者中乃有此人乎

宋學案補遺

卷七十八

十九四明叢書
約圖刊本

其於律則究其始研其義長短清濁周徑積實各以類
分取經史之說以實之而折衷其是非其於曆則謂造
曆者皆從十一月甲子朔夜半冬至爲曆元獨邵子以
爲天開于子則取日甲子星甲辰子爲元會運世之
數無朔虛無閏餘率以三百六十爲歲而天地之盈虛
百物之消長不能出乎其中矣論開物開物則曰開于
己閉于戊五天之中也六地之中也戊己月之中星也
又分卦配之紀年金之大定庚寅交小過之初六國朝
之甲寅三月二十有三日寅交小過之九四多先備所

未發

馬祖常作神道碑曰世祖徵爲彰德懷孟等路提舉學
校官不就著書窮學于世之貴富賤貧一無所動其心
以優游厭飫于道藝以終其身

王先生士元

王士元字長卿汾州人少好讀書通玄象及先天之象
又善行草表其號曰白欄居士士亦多從之游大德元
年授范施路軍民總管經歷調梧州幕府卒 蘇滋溪集

蕭先生漢中

宋學案補遺

卷七十八

二十四明叢書
約圖刊本

蕭漢中字景元泰和人著讀易考原朱楓林序之云蕭
氏以爲二篇之卦必先卜而後序閱與精粹貫通神聖
誠古今之絕學也謹節縮爲上下經二圖于右而錄其
全文于下以廣其傳 朱楓林集

雲濠謹案讀易考原一卷成于泰定中凡三篇一
論分卦一論合卦一論卦序四庫書目提要謂其

說亦出于邵氏而推
闡卦序頗具精理云

編修杜清碧先生本 詳見草廬學案

何先生榮祖

何榮祖字繼先其先太原人徙家廣平以吏累遷中書

省掾陞侍御史歷中書右丞尋加平章政事卒贈光祿大夫大司徒柱國追封趙國公諡文憲所著書有大畜十集又有學易記載道集觀物外篇元史

梓材謹案虞道園集有何忠肅公諡議云諡法廉方公正曰忠執心決斷曰肅史作文憲豈其改諡耶

權說

或問權之爲說漢儒解之于前宋儒非之于後不識權者果何物也愚曰權亦事之宜也然則權與義同乎曰不同請問其說曰有常之宜曰義臨時之宜曰權問者

宋學案補遺 卷七十八

王四明叢書 約園刊本

未達曰權之說如此不有害于道乎曰否孟子嘗言之矣權正謂害道者說也竊嘗思之盈天地之間往者過來者復裁制萬事變通無窮者惟其義而已蓋仁者義之愛也知者義之辨也禮者義之儀也中者義之則也信者義之實也雖然人之情萬殊事之出萬變或愛有不可施智有不可用禮有不可執中有不可定信有不可必是皆孟子所謂害道者也聖人知其然故曰可與共學未可與適道可與適道未可與立可與立未可與權夫權者聖人處道之深謀處變之大用也如可乎可

不可乎不可此義也或可之中有不可而不可之中有可此權也權與義無非道也然君子之用心所當日進者學也深造者道也謹守者義也不可預知者權也愚故曰有常之宜曰義臨時之宜曰權

附錄

先生齋居雜言詩曰名教無窮樂真知在暮年中庸萬事果太極一心全世事頻觀易人情靜看天興來時有句率爾亦飄然

隱君鄭先生松

宋學案補遺 卷七十八

王四明叢書 約園刊本

鄭松字特立樂安人以邵子經世書止于周顯德乃自庚申宋興至甲午宋亡爲續共二百七十五年書法視昔尤謹先生入元隱居布水谷二十年于凡古今因革聖賢心迹有所疑每就吳文正細商之不以輩行自居

通敏陳先生思謙

陳思謙寧晉人忠定公祐之孫也忠定好學先生亦好學于凡名物度數綱紀本末考訂詳究而尤深于邵子皇極經世書官至御史中丞卒追封魯國公諡通敏

王容溪先生口

王口號容溪陸子方以詩為贊云勁竹持高節餘花表
晚香一瓢顏子巷六籍鄭公鄉後學師珪行先天發寶
藏空攜經世具獨立暮山蒼

牆東類稿

劉氏同調

郭先生榮

郭榮號鴛水翁順德人通五經精于算數水利時太保
劉文貞左丞張忠寅樞密張易贊善王恂同學于州西
紫金山而文貞與先生為同志友故俾其孫守敬就學

宋學案補遺 卷七十八

三三四明叢書
約圖刊本

于文貞所

元文類

朱氏學侶

林先生干之

附師朱元夫

林干之少以三禮從朱水簷之族子元夫先生游水簷
忘年定交

三易備遺序

朱氏同調

學士鄭先生滌孫

鄭滌孫字景歐處州人朱景定開進士知樂清縣至元
末以薦召見累官集賢學士致仕歸所著有太易法象

通贊周易記玩等書

姓譜

梓材謹案先生兄弟為東谷曾孫東谷見伊川學
案補遺元史儒學傳言其兄弟在當時最號博洽
儒學之上
翁然推之

大易法象通贊自序

中天者非他是即天也由其運用合一居中故曰中天
由其在生兩之後用九之前故曰中天適夫時位德之
稱也其象藏于互體其義發見于文王周公孔子之辭
習焉者察弗精語弗詳迷其主宰之真惑于分別之變
嗜其久矣

宋學案補遺 卷七十八

三三四明叢書
約圖刊本

前聞康節邵先生有曰氣一而已主之者乾也神一而
已乘氣出入乎有無生死之間無方而不測者也不知
乾無以知性命之理文公朱先生有曰一陰一陽此是
天地之理如大哉乾元萬物資始乃繼之者善也乾道
變化各正性命此成之者性也繫辭所謂一陰一陽之
謂道繼之者善成之者性此是中天時位德業之大綱
領文公舉以歸之于乾元歸之于乾道所言造化豈有
異端二先生之語皆中天之主旨也

梓材謹案大易法象通贊七卷四庫存目提要云
其序自言年踰五十探索先天圖忽得中天元景

云云案中天之說始見于千寶周禮注朱元昇衍之爲三易備遺然鄭氏所謂中天元景與千寶之說又異其說皆幽渺恍惚不可究詰蓋指前段之說然其爲朱氏同調可見矣

鄭氏學侶

鄭先生陶孫

鄭陶孫字景潛學士滁孫弟朱進士監西嶽祠元初徵授翰林國史院編修官會纂修國史至宋德祐末年事官臣嘗仕宋宋是年亡義不忍書世祖嘉之陞應奉翰林文字出爲江西儒學提舉所著有文集 姓譜景潛遺文

宋學案補遺 卷七十八

三五四明叢書 約園刊本

魏太和間青州于土中得齊大夫送女器爲牛而背負尊晉儒之說以爲全刻牛象之形鑿其背以爲尊是亦揣摩非得于目擊以負爲鑿體認不真故也古人製器雖致飾之美而仁與智具焉謂牛象之力足以負尊而取其形智也儻剝腹受酒則不得爲仁矣絕其脊以施勺旣幾乎慘舉而注之口豈不嫌于穢人之用器且不宜然況將潔以享神乎由是而言近古所傳剝其腹者鑿字之訛實啓之也自文公請改從政和禮器新圖及班降則王黼博古所收厥後嘗以尊口不可施勺而疑

其未然特未及詳齊器之負而謫晉儒之鑿耳陶孫前是固已窺其理亦恐淪于臆不敢形諸言及仕京師嘗於遂初張氏之容齋睹一梟尊乃梟形而背負尊極其精古善鑒者以爲周器無疑于是始信齊大夫送女器之爲可憑古人制器不鑿于知而傷于仁益可知也 禮器

麻氏門人

教授張濂溪先生著 附子思敬

宋學案補遺 卷七十八

三五四明叢書 約園刊本

戊戌歲以詞賦中選旣而歎曰士當遠大自期雕蟲篆刻將何爲哉適貽溪麻先生洎前進士曹兌齋來主經局先生喜且不寐曰今而後吾學有所正矣遂刮去故習沈潛伊洛諸書雖飢渴寒暑貧窮得失不易其初心介然家居以樂育諸生爲業中統建元張頤齋宣撫河東擢主潞城簿頤齋去以親老西歸至元乙酉用薦者授平陽路儒學教授秩竟不聽其去者逾二歲厥後子思敬自南陽教官來省聞彼中風土樂焉曰名山大川平日所願見遂命駕南游以至元壬辰卒于寓舍年六